

Distatus pape. Ed. E. Caspar. MGH Epp II.1 (Gregorii VII. registrum). Berlin 1920, s. 201-208, č. 55a.

Dictatus pape

- I. Quod Romana ecclesia a solo Domino sit fundata.
- II. Quod solus Romanus pontifex iure dicatur universalis.
- III. Quod ille solus possit deponere episcopos vel reconciliare.
- IIII. Quod legatus eius omnibus episcopis presit in concilio etiam inferioris gradus et adversus eos sententiam depositionis possit dare.
- V. Quod absentes papa possit deponere.
- VI. Quod cum excommunicatis ab illo inter cetera nec in eadem domo debemus manere.
- VII. Quod illi soli licet pro temporis necessitate novas leges condere, novas plebes congregare, de canonica abbatiam facere et e contra, divitem episcopatum dividere et inopes unire.
- VIII. Quod solus possit uti imperialibus insigniis.
- VIIII. Quod solius pape pedes omnes principes deosculentur.
- X. Quod illius solius nomen in ecclesiis recitetur.
- XI. Quod hoc unicum est nomen in mundo.
- XII. Quod illi liceat imperatores deponere.
- XIII. Quod illi liceat de sede ad sedem necessitate cogente episcopos transmutare.
- XIIII. Quod de omni ecclesia quocumque voluerit clericum valeat ordinare.
- XV. Quod ab illo ordinatus alii ecclesie preesse potest, sed non militare; et quod ab aliquo episcopo non debet superiorem gradum accipere.
- XVI. Quod nulla synodus absque precepto eius debet generalis vocari.
- XVII. Quod nullum capitulum nullusque liber canonicus habeatur absque illius auctoritate.
- XVIII. Quod sententia illius a nullo debeat retractari et ipse omnium solus retractare possit.
- XVIIII. Quod a nemine ipse iudicari debeat.
- XX. Quod nullus audeat condemnare apostolicam sedem apellantem.
- XXI. Quod maiores cause suiuscunque ecclesie ad eam referri debeant.
- XXII. Quod Romana ecclesia nunquam erravit nec imperpetuum scriptura testante errabit.
- XXIII. Quod Romanus pontifex, si canonicè fuerit ordinatus, meritis beati Petri indubitanter efficitur sanctus testante sancto Ennodio Papiensi episcopo ei multis patribus faventibus, sicut in decretis beati Symachi pape continetur.
- XXIIII. Quod illius precepto et licentia subiectis liceat accusare.
- XXV. Quod absque synodali conventu possit episcopos deponere et reconciliare.
- XXVI. Quod catholicus non habeatur, qui non concordat romane ecclesie.
- XXVII. Quod a fidelitate iniquorum subiectos potest absolvere.

Překlad:

Chrestomatie k světovým dějinám feudalismu I. Praha 1962, s. 104-107, č. 15 (více vydání, různé strany a číslování).